

17/01/2004

Ijazah kehormat USM untuk Dr M

GEORGETOWN: Universiti Sains Malaysia (USM) akan menganugerahkan Ijazah Kehormat Doktor Sains kepada bekas Perdana Menteri, Tun Dr Mahathir Mohamad sempena majlis konvoquesyennya, Ogos depan.

Naib Canselornya, Prof Datuk Dzulkifli Abdul Razak, berkata anugerah itu adalah sempena usaha USM untuk membawa Pameran Seribu Wajah Tun Dr Mahathir di Pusat Kesenian dan Kebudayaan USM ABN-AMRO yang dirasmikan oleh Yang di-Pertuan Agong Tuanku Syed Sirajuddin Syed Putra Jamalullail di sini, semalam.

"Pameran Seribu Wajah Tun Dr Mahathir adalah sebagai menghargai jasa dan sumbangan Tun Dr Mahathir dalam pembangunan negara sepanjang 20 tahun menjadi Perdana Menteri keempat negara," katanya ketika berucap pada majlis itu.

Turut berangkat, Raja Permaisuri Agong Tuanku Fauziah Tengku Abdul Rashid yang juga Canselor USM.